

OKÉ TAKE AWAY

NOS SPECIAL
DEC. 16


746-3571

S  **LO**

BRIYANDO FUERTE • TRECIENDO CLARIDAD
DIASABRA 16 DECEMBER 2023

Di Pueblo

**E META
PRINCIPAL DI
SKOA TA PA
ENFOCA Ariba
E DESAROYO Y
CRECIMENTO DI
NOS MUCHANAN**




WWW.SOLODIPUEBLO.COM



SOLODIPUEBLO@GMAIL.COM

**SALARIO MINIMO TA AUMENTA
NA JANUARI Y TA ALCANSA
CASI 2000 FLORIN**



**ACCION NA COSTA DI ARUBA:
3 PERSONA DETENI, 12 BUL-
TO DI DROGA CONFISCA**



**MINISTER DI HUSTICIA A
ANUNCIA UN LADDERWAGEN
PA BRANDWEER NA 2024**



**CHAUFFEUR BURACHI A
PEGA SOÑO Y A BAY DAL
RIBA E ROTONDE RIBA
SCHOTLANDSTRAAT**



**FIRMAMENTO DI
“SAMENWERKINGSOVEREENKOMST”
ENTRE HAVA, ASHA Y AZV PA FORTIFICA
E SECTOR DI CUIDO NA ARUBA**



MINISTER GLENBERT CROES

SALARIO MINIMO TA AUMENTA 1 JANUARI 2024 NA AWG 1986,20

Riba 15 di december Minister Glenbert Croes a firma reglamento ministerial pa cu aumento di salario minimo entrante 1 di januari 2024.

Un aumento significativo di 4.9% cu ta yega te na e suma di AWG 1986,20 mensual, conforme conseho di DAO y SER.

Na januari 2023 e mandatario a aumenta esaki na AWG 1893,40 y pa 1 januari 2024 e salario minimo ta aumenta cu 92,80 pa luna yega te 1986,20.

Desde cu Minister Glenbert Croes ta e titular di Labor, cual cartera el a asumi 17 di

november 2017, el a haya e salario minimo na 1711,15. Na 2019 Minister Glenbert Croes a aumenta esaki na 1762,48. Manera nos tur sa, 2020 COVID a dal na nos porta y gran parti di nos poblacion a perde trabou y comercio di Aruba a wordo afecta gravemente. Pues pa 2021, 2022 no tabatin espacio pa por introduci un aumento salarial. Pero ya entrante 1 di januari 2023 e mandatario a aumenta e salario minimo. Y awo pa 1 januari ta pa di 4 bes cu den su 6 aña como Minister cu e ta logra introduci un aumento cu apoyo unanime di Gabinete Wever Croes 2.

Aruba ta den un acenso



economico danki na nos Turismo. Y e motor di nos turismo ta tur nos hendenan trahando den horeca cu merece e reconocimiento di un aumento di e salario

minimo como danki tambe pa nan empeño y servicio laboral.

Nos pueblo a pasa dos aña hopi dificil durante pandemia. Aruba a biba

dos aña hopi dificil durante e pandemia. Pero hunto den union y positivismo nos ta gradualmente pero cu pasonan sigur elevando e calidad di bida di tur nos conciudadanonan.

DIRECTIE NATUUR EN MILIEU (DNM) LO TA CERA PA MANTENCION DI EDIFICIO Y DURANTE DIANAN DI FIESTA

Den cuadro di e dianan di observacion y celebracion di Pasco di nacemento y fin di aña 2023, DNM su oficina lo ta cera pa publico desde diabierna 22 di december 2023.

DNM lo ta habri bek diaranson 3 di januari 2024. DNM ta situa den e edificio monumental di Uncle Louis Store na B. v/d Veen Zeppenfeldt straat#7, San Nicolas y den cuadro di mantencion anual parti paden di e edificio, e oficina, lo ta cera riba fecha 22 December 2023.

Pa cualkier eventualidad por manda nos un mensahe via nos plataforma di Facebook messenger dnmaruba of por manda un email via info@dnmaruba.org. Pa cualkier melding

cu emergencia cu tin di haber cu naturalesa y medio ambiente por haci esaki via KPA Polis.

Alabes DNM ta desea un y tur feliz dianan di fiesta. Nos ta na porta di fin di aña 2023. Cu placer nos ta wak bek e aña aki y ta wak cu nos a haci un stap mas den un direccion na unda Naturalesa ta mas inclui. Como team nos a crece, como directie nos ta mas presente, como hende nos ta mas servicial. Nos ta sirbi nos dushi pais y crece como persona. Danki pa sostene nos trabou.

Feliz dianan di Pasco y Prospero Aña Nobo. Ta sincero deseo di team Directie Natuur en Milieu Aruba.



MINISTER DI HUSTICIA A ANUNCIA UN LADDERWAGEN PA BRANDWEER NA 2024

Den tratamento di presupuesto reciente pa aña 2024, Rocco Tjon, Minister di Husticia, a revela un iniciativa innovativo destina pa reforsa siguridad publico. E departamento di bombero ta cla pa ricibi un inversion substansial di un mas di 2 milyon florin, destina pa cumpra un ladder-wagen di ultimo generacion, un truck special diseña pa subi bay halto pa operacionnan di rescate di emergencia. E Minister a enfatiza cu e inversion strategico aki ta prepara pa mehora significativamente e capacidadnan di e departamento di bombero, permitiendone pa responde mas efectivamente na

incidentenan cu ta involvi estructura halto. E ladder-wagen, ta ekipa cu funcionnan avansa, cual ta hunga un rol fundamental pa garantisar seguridad y bienestar di e comunidad.

Detayenan di e caracteristicanan specifico di e ladder-wagen nobo no a wordo revela ainda, pero e Minister a expresa su confiansa cu e incorporacion aki na e flota di departamento di bombero lo marca un avanse significativo den su capacidad pa maneha emergencia.

“E inversion aki ta enfatisa nos compromiso cu siguridad di nos ciudadano. Ladder-wagen lo capacita nos bombero pa alcanza altitudnan mas halto di un



manera rapido y eficiente, dunando un salvacion crucial den situacionnan di emergencia”

Solo di Pueblo no por keda sin menciona cu e motor tras di e renobacion di

brandweer ta Sr David Roza. Un persona cu a hiba un lucha grandi pa wordo scucha y por bisa cu Gobierno actual a haci e compromiso pa sigui e consehonan y asina nos por constata e avanse

enorme cu brandweer a haya, manera nunca antes. Pabien David pa bo esfuerso hasi. Pabien Minister Tjon pa hasi lo posibel e alocacion di fondo.

SALARIO MINIMO TA AUMENTA NA JANUARI Y TA ALCANSA CASI 2000 FLORIN

Gobierno di Aruba a emiti un anuncio cu ta marca un punto di referencia positivo pa e trahadonan di nos isla: e salario minimo lo conoce un aumento significativo for di januari 2024, alcanzando e cifra exacto di 1986 florin.


E desicion aki a wordo

ricibi cu entusiasmo y tin e potencial pa genera un impacto substansial riba calidad di bida di trahadornan, dunando alivio finansiero na esnan cu ta depende di e salario minimo. E decision ta refleha e compromiso di e gobierno pa bienestar di e forsa laboral y ta busca

pa atende e nesesidadnan economicoo cu ta cambia constantemente.

Ta spera cu e mehoracion den entrada aki lo beneficia hopi famia y contribui na e impulso economico general na Aruba.

E noticia aki ta yega na un momento crucial,



ofreciendo un perspectiva optimista pa e aña binidero. Nos tin un gobierno lo sigui monitor y responde na e

nesesidadnan economico pa garantisar un futuro sostenibel y prospero pa tur ciudadano di Aruba.



CUERPO POLICIAL ARUBA ta informa:

ACCION NA COSTA DI ARUBA: 3 PERSONA DETENI, 12 BULTO DI DROGA CONFISCA



tres persona a keda deteni na e sitio. E caso aki ta den pleno desaroyo. Diferente teamnan di Polis ta na e sitio conhuntamente cu e sosten di Kustwacht y Douane.

Altocomisario di Polis



Tabata den oranan di awemainta Polis ta bin encontra bultonan di droga na costa pariba di Aruba. Tabata na altura di e sitio cu yama "Rincon" na unda a bin encontra 12 bulto di droga como tambe 6 vest di salaba bida. Despues ta bin encontra tres homber indocumenta cu probablemente ta di Nacionalidad Venezolando. Tur

drs. Ramon Arnhem tambe a bay na e sitio pa mira e situacion y ta felicita e polisnan pa e bon trabou y esfuerso haci pa combati criminalidad.

Departamento di Unidad di Crimen Organisa tin e investigacion aki.

Bo tin algun informacion y bo kier di polis na 11141. keda anonimo por yama e tipline

MINISTER THIJSSEN A PAPIA CU DIRECTOR DI HOSPITAL

Den Haag – Minister Plenipotenciario mr. Ady Thijsen na ocasion di su bishita di trabao na Aruba a papia cu director di Dr. Horacio Oduber Hospital (HOH) Jacco Vroegop.



E bishita tabata tin un caracter di cortesia. Na mesun momento Minister Thijsen a haci uso di e oportunidad pa intercambia di pensamiento

cu sr. Vroegop y tambe papia di eventual cooperacion entre HOH y Gabinete di Minister Plenipotenciario

di Aruba na Hulanda. Nota pa redaccion: E potret ta cortesia di Arubahuis

GERLIEN TA MAL INFORMA PUEBLO:

Minister	Gasto Operacional	Gasto di Personal
Evelyn W. Croes		+5,597.000
Rocco Tjon	+7,208.000	+2,889.000
Endy Croes	+6,680.000	+2,800.000
Ursell Arends	+1,119.000	
Xiomara Maduro	+8,710.000	
Glembert Croes	+1,959.000	
Totaal:	Mas cu 25 miyon	Mas cu 11 miyon

Gerlien Groes ta critica inhustamente un suma di 6.6 miyon florin y ta señala cu minister di enseñansa a subi su gastonan. Realidad ta otro ! E 6.6 miyon ey ta bay pa scolnan, pa aumenta e normbedrag cu Gobierno di AVP nunca a haci! Otro critica sin base manera galiña kloks.. #HasiDrechi #hasibohuiswerk

Minister Dangui Oduber

OPORTUNIDAD PA APLICA PA HUISARTSENOOPLEIDING ARUBA

Minister di Turismo y Salud Publico sr. Dangui Oduber ta orguyoso pa anuncia cu tin oportunidad pa candidatonan cu BIG of AruBIG registratie aplica pa Huisartsenopleiding Aruba. Awe mainta, den un conferencia di prensa, Dokter Rajnherc di ImSan, a anuncia cu e vacatura pa e prestigioso "Huisartsenopleiding Aruba" cu ta acredita pa Amsterdam UMC lo ta buscando candidatonan entusiasma cu a completa nan estudio na Hulanda of cierto universidadnan den region, cu tin un

titulo di "Master Degree" y cu ta cualifica pa tin un registracion di BIG of AruBIG. E persona ki lo tin e oportunidad aplica pa cuminsa e opleiding for di 1 di Augustus 2024 como AIOS (Arts in Opleiding tot Specialist) pa asina specialisa nan mes durante 3 aña pa bira dokter di cas aki na Aruba.

E Huisartsenopleiding Aruba a cuminsa na 2009 cu e meta di reforsa e "eerstelijnszorg" aki na Aruba. E opleiding ta keda organisa door di Huisartsenopleiding



Amsterdam UMC conhunt cu Departamento di Salubridad Publico di Aruba (DVG) y Huisartsen Vereniging Aruba (HAVA) y ta wordo acomoda na nos

hospital "Instituto Medico San Nicolas" (ImSan).

Minister di Salud Publico, sr. Dangui Oduber kier invita candidatonan cu ta

bin na remarke pa aplica mas lihe posibel pa e opleiding pa por specialisa y bira dokter di cas na Aruba.

SUPER SHOPPING  Christmas Extravaganza

35%

Christmas decorations & ornaments

25%

~ Christmas Lights
~ LED Christmas Trees
~ LED & battery operated Christmas Decorations

Address: Ooststraat #5, Oranjestad Tel: 5822818 <http://www.facebook.com/supershoppingaruba>

Parlamentario Hendrik Tevreden (MEP): ALERTA TOCANTE E PELIGER DI SCAMMERS ONLINE: UN MENSAHE URGENTE DI CONSCIENCIA Y PREVENCIÓN



Aruba 15 December 2023: "Den mi calidad di representante di nos pueblo y den bista di e desafionan creciente cu nos ta enfrenta den e mundo digital, mi kier yama atencion riba e menasa cu e scammers online ta representa,

principalmente den e dianan aki caminda hopi transaccion online ta tuma lugar.

E hendenan aki sin escrupulo ta uza triki y strategia fraudulento pa haya acceso na informacion confidencial y financiero,

poniendo na riesgo e seguridad y privacidad di nos comunidad global", asina Parlamentario di Fraccion di MEP, Hendrik Tevreden a indica.

E metodo cu e scammers ta uza ta varia y hopi sofisticada, di e-mailnan fraudulentamente na perfilnan falso riba rednan social. Nan ta haci nan mes pasa pa entidadnan legal, cual ta haci dificil pa descubri nan berdadero intencion y pone na riesgo e confiansa cu kendenan tin interaccion den e mundo digital.

"Ta esencial cu como ciudadanonan responsabel nos tin cu ta alerta y prepara pa identifica e señalnan di alerta cu por indica e presencia di un

scammer," Tevreden a enfatisa.

"Fomenta educacion y consciencia den nos comunidad ta fundamental pa preveni y proteha nos mes contra e menasanan cibernetico aki".

Pesey mi ta urgi tur ciudadano pa informa nan mes tocante e medidanan preventivonecesario oratin interaccion online, manera verifica e autenticidad di e remitente, evita comparti informacion personal y ta atento na cualkier peticion sospechoso di datonan financiero of password.


E bataya contra e scammers online ta un responsabilidad comparti. Laga nos traha hunto pa

difundi e informacion vital aki y educa nos sernan keri tocante e riesgonan y con pa proteha nan contra e engañosan aki", a enfatisa.

Pa mas orientacion tocante con pa proteha y raporta actividadnan sospechoso, mi ta recomenda enfaticamente bishita fuentenan confiabel den tereno di seguridad cibernetico manera e.o. npr.org of otro fuentenan y busca consejo di expertonan den e area aki.

"Hunto nos por reforsa e seguridad digital y proteha nos comunidad contra e peliger di e scammers online", Lider di Fraccion di MEP, Hendrik Tevreden a duna di conoce

CHAUFFEUR BURACHI A PEGA SOÑO TRAS DI STUUR Y A BAY DAL RIBA E ROTONDE RIBA SCHOTLANDSTRAAT



Diahuebsmadruga adrenta informe di un accidente cu hende herida na e rotonde Schotlandstraat, mesora

a dirigi tanto polis como ambulans na e sitio. Na yegada di e patruya a bin compronde cu aki ta trata

di un chauffeur burachi cu a pega soño tras di stuur y a bay dal riba e rotonde na Schotlandstraat.

Na prome instante polis a detene e chauffeur pa burachi pero despues na yegada di e ambulans nan a atende e chauffeur pero despues di a controla e chauffeur cual tin multiple sla na su cara y mester bay hospital pa cual ambulans a hib'e.



Minister Dangui Oduber

FIRMAMENTO DI “SAMENWERKINGSOVEREENKOMST” ENTRE HAVA, ASHA Y AZV PA FORTIFICA E SECTOR DI CUIDO NA ARUBA

Minister di Turismo y Salud Publico sr. Dangui Oduber ta orguyoso pa anuncia cu awe a firma un acuerdo den un manera di “samenwerkingsovereenkomst” entre

Stichting Huisartsenvereniging Aruba (HAVA), Asociacion di Specialista Hospital di Aruba (ASHA) y Algemene Ziektekosten Verzekering (AZV) pa por sigui fortifica e sector di cuidado na Aruba. Director di AZV, sr. Edwin Jacobs a hiba algun palabra den nomber di Ministerio di Salud Publico, tocante e acuerdo “zorgakkoord” cu na Juli 2023 a cera entre tur e “stakeholders” pa enfoca mas ariba tur e areanan di cuidado cu lo mester

wordo fortifica durante e proximo añanan. Ademas di esaki mester sigui percursa cu sector di cuidado por keda financieramente pagabel y cu por sirbi cu e demanda.

Den cuadro di esaki Dokter van Trignt tambe a hiba algun palabra pa expresa su bon contento pa e colaboracion entre tur e stakeholders nan pa mantene e calidad di cuidado halto na Aruba. Durante e ultimo añanan tabata tin hopi mehoracion y ta sumamente importante pa sigui evalua y sinta hunto pa percursa pa bin cu solucionan ariba tur e puntonan dificil pa yega na un cuidado cu ta mas accesibel, mas eficiente y



menos costoso pa nos pais aruba. Despues Dokter Randall Leong tambe a comparti cu e ta positivo cu e acuerdo aki lo bay trece oportunidadnan nobo pa asina

por sigui mehora nos sistema di cuidado na Aruba. Minister di Salud Publico, sr. Dangui Oduber lo sigui traha pa mehora e sector di cuidado na Aruba.

E META PRINCIPAL DI SKOA TA PA ENFOCA ARIBA E DESARROYO Y CRECEMENTO DI NOS MUCHANAN

Oranjestad, Aruba: SKOA como e instituto di educacion di mas grandi na Aruba ta keda enfoca ariba e desaroyo y crecemento di nos muchanan y ta boga pa keda brinda educacion di calidad pa asina prepara nan pa un bon futuro. Mayornan cu ta desea di inscribi nan yiunan na SKOA lo haya e guia necesario pa e proceso di inscripcion.

Manera tur aña SKOA a cuminsa cu nan inscripcion pa tur mucha cu ta bay haci 4 aña den 2024. Mayornan cu ta desea pa nan yiunan bay un scol di SKOA por cuminsa cu e proceso di

inscripcion mas pronto cu ta posibel pa asina sigura un luga pa e proximo aña escolar.

Con pa inscribi na SKOA? Mayornan por inscribi via nos website www.skoa.aw completamente online. Por inscribi via email door di manda SKOA un email na aplicacion@skoa.aw. Por inscribi via WhatsApp door di manda un mensahe directo na +297 7485995 y sigui e proceso pa completa e inscripcion. Pa mayornan cu ya caba tin yiu inscribi na SKOA por haci inscripcion di e yiu cu tin cu cuminsa kleuter via nos systema di SAS. Ora di inscribi



mester pone bon atencion ariba e documentonan cu ta necesario pa asina por cumpli cu e proceso di inscripcion di bo yiu.

Mayornan cu inscribi nan yiu ta haya un periodo di 2 siman pa asina por cumpli

cu e prome pago of pago completo di schoolgeld pa e aña escolar venidero. Despues di 2 siman, si e pago no a wordo completa, e cupo di inscripcion ta wordo cancela cu consecuencia cu no lo bay tin un luga sigura pa e yiu

cuminsa kleuter e proximo aña escolar.

Pa mas informacion tocante inscripcion y e scolnan di SKOA por bishita nos website www.skoa.aw of por yama na liña directo 5231800.

MINISTER ENDY CROES TA ACUDI NA E CONCIERTO DI FIN AÑA NOS DESEO DI SCOL DI MUSICA RUFO WEVER

Diadomingo ultimo, Minister di Enseñansa y Deporte Endy Croes a asisti na e concierto di fin di aña Nos Deseo di Scol di Musica Rufo Wever. E bunita presentacion musical aki di e hobennan talentoso di Scol di Musica Rufo Wever a tuma luga na Cas di Cultura. E aña aki Scol di Musica Rufo Wever ta celebrando 70 aña di existencia.

Scol di Musica Rufo Wever ta duna les di canto y diferente instrumento na Cas di Cultura, entre otro, les di piano, les di

violin, les di guitarra, les di percusion, les di fio y les di trompet. Meta principal di Scol di Musica Rufo Wever ta pa promove musica y tur otro arte cu tin algo directamente di haber cu ne y en particular pa duna enseñansa den e artenan aki.

Minister Endy Croes ta felicita Scol di Musica Rufo Wever cu nan tremendo presentacion di fin di aña, alabes ta gradici nan pa contribui dna e desaroyo musical di Pais Aruba durante 70 aña.



Parlamentario Shailiny Tromp-Lee (MEP):

GOBIERNO A DUNA INFORMACION RIBA DIFERENTE SCOL WARDANDO RIBA UN EDIFICIO ADECUADO OF NOBO

Durante reunion publico, tratando Presupuesto di Pais Aruba pa aña 2024, mi a duna e aspecto di infraestructura den enseñansa tambe su atencion. Mi a haci un pregunta di follow up encunto diferente scol wardando riba un edificio adecuado of nobo.

Prome cu mi trata e pregunta y remarkenan encunto infraestructura den enseñansa cu mi a haci durante reunion publico, mi kier informa cu Parlamento a aproba mediante Presupuesto Supletorio 2023 construccion di un scol na Paradera y aplicacion di un HAVO/VWO na Playa. Gobierno ta bay construi un Juliana/Mavo na Paradera pa un suma di Afl. 6.7 mion y lo inverti den ampliacion di HAVO/VWO Mon Plaisir na Playa pa Afl. 2.6 mion.

Durante reunion diaranson

ultimo, mi a pidi Minister Croes pa elabora tambe riba otro scolnan cu ta pendiente hopi tempo pa renobacion, construccion, ampliacion of pa un edificio apto pa enseñansa manera Reina Beatrix, Frere Bonifacius, Ceque College y Maria College. Mi a pidi Minister pa presenta e plannan a largo plaso riba tereno di infraestructura den enseñansa.

Segun Minister Croes e la reuni over Frere Bonifacius cu SKOA 2 luna pasa y tin e pensamiento pa por renoba e edificio di ex Prinses Amalia School pariba di Elmar Oranjestad. A keda di haci un assesment actualisa kico esaki por costa y sondea e posibilidad di ehecucion.

Pa loke ta trata Reina Beatrix, minister a informa cu nan a muda desde augustus 2022 pa ex

edificio di Scol Paso pa Futuro. A verf e school aki completamente, a cambia e cura y Reina Beatrix a muda for di e edificio na Seroe Blanco. Tambe a entrega e trailernan na YMCA Dakota y e scol completo a bay hunto bou di un solo dak. Segun Minister a reuni cu e hoofd y nan ta asina contento cu e edificio aki cual porcierto tin hasta nan gymzaal y nan no kier sali mas di eyden.

Pa Ceque College e plannan ta grandi. Intencion ta pa traha un scol nobo pa nan na Noord. Tereno ta keda pariba di Scol Felipe B Tromp na Noord y e dossier ta traha. Awor mester percursa pa e fondonan necesario pa haci esaki un realidad.

Pa loke trata Maria College nos por a compronde cu e estudiante/ klasnan cu tabata den e



dependance na VAD gebouw a bay na Maria of La Salle College.

Minister Dangui Oduber

MINISTER DI TURISMO Y SALUD PUBLICO HUNTO CU STEERING COMMITTEE A HAÑA UN PRESENTACION DI ATA PA E RESULTADONAN DI VACATION RENTALS NA ARUBA.



Minister di Turismo y Salud Publico sr. Dangui Oduber a atende un reunion unda Aruba Tourism Auhtoirty (ATA) a presenta e resultadonan di "vacation rentals" na Aruba. Pa esaki ATA a laga haci un estudio pa por tin un miho bista di cuanto vacation rentals tin activo na Aruba y tambe ki variedad di vacation rentals tin na Aruba. ATA, AHATA, Vacation Rental Professionals Aruba (VRPA), Dimp (SIAD), CBA y DIP ta forma parti e "Steering Committee

"Taskforce" forma door di Ministerio di Turismo y Salud Publico. Esaki ta un colaboracion entre stakeholdersnan cu e meta pa bin cu regulacion pa vacation rentals y asina crea un fair level playing field na Aruba. E prome tarea di e steering committee taskforce ta pa traha un rapport di datosnan concreto pa asina Minister Oduber y gobierno por hiba un miho maneho relata na other accommodations. Ta hopi importante pa gobierno

tin un bista amplio di tur other accommodations cu Aruba ta ofrece pa asina por tuma un data-driven approach.

Ultimamente ta tende hopi di e topico "vacation rentals". E topico aki sigur tin e atencion di Minister Dangui Oduber cu ta esun encarga pa trece e cambianan necesario. Minister Oduber a splica cu ta hopi importante pa bin cu regulacion pa vacation rentals y asina crea un fair level playing field na Aruba. Gobierno ta bay regula esaki a base di un registracion, cu tur propietario cu tin un "listing" mester ta registra pa por opera nan vacation rentals.

Resultadonan cu a destaca di e presentacion ta lo siguiente: Aruba conoce



actualmente un total di 3805 "active unit listings", di local 1060 ta condominiums units y 2437 ta "los staande" units. Minister Dangui Oduber ta indica cu e resultado nan cu a wordo presenta ta brinda informacion valioso pa asina por forma "data driven policies" na e bienestar di nos comunidad. E resultadonan aki ta yuda pa tuma desicion efectivo pa un turismo saludabel i promove e bienestar di nos comunidad.

E reunion tabata hopi productivo, ambos Minister Dangui Oduber y tur stakeholders ta sumamente optimista cu lo por yega solucionnan concreto pa cu e maneho nobo cu mester bin pa e vacation rentals.

Minister Oduber ta sigui traha cu un vision cla conhuntamente cu su ekipo pa asina haci e proyecto aki uno exitoso.

HOMBER BOU INFLUENCIA Y DESORIENTA



Bubali - Diahuebs den oranan di anochi, polis a wordo pidi na un restaurant situa na Bubali.

Eynan a yega un cabayero hoben, cu un bachi preto bisti pero sin nada bisti

bou dje.

E homber tawata visiblemente intoxica. No ta conoci exactamente di kiko. Pa su seguridad y di otronan a pidi pa transportwagen pa por hib'e warda di polis di na Shaba.

Segun nos a compronde e homber lo a tawata den e restaurant desorienta y esaki a pone cu nan a avisa autoridad.



VARAMENTO DI TONINO NA EAGLE BEACH - Con pa yuda



Recientemente, Aruba Marine Mammal Foundation (AMMF) a ricibi alerta pa asisti na un incidente di

varamento di un tonino na Eagle Beach. Un tonino joven a wordo separa for di su grupo di tres cu tabata

acercando Eagle Beach buscando refugio, a causa pa e conmocion ora nan a wordo persegui y rondona pa jet skier nan. E tonino a tuma rumbo pa costa, caminda e a topa cu mas acto di molester for di usuario di

laman, cu a conduci finalmente na su varamento. Afortunadamente, turistanan preocupa y un compania di

alkiler di jet ski a alerta autoridad nan.

Rescate di tonino

Cuater usuario di laman a brinda sosten na e tonino te ora cu e ekipo di reskate di Aruba Stranding

Network (ASN) a yega y a asumi encargo di su cuida. E responder nan di ASN, Natasha Silva, Anita

Nijhuis, y Angiolina Henriquez, a evalua y yuda e tonino den awa, mientras cu Yessy Arends a colecta informashon di testigo y yuda pa

mantene e multitud riba un distancia. E tonino tawata di e especie Pantropical spotted dolphin

(*Stenella attenuata*) cu un largura di 1.7 meter. E tawata tin diferente cicatriz

fresco y biew, tawata den bon condicion, activo y alerta. E tabata mustra debilita di cansancio. Despues di un periodo di recuperacion cu sosten trankilo pa drief e tonino a calma, recobra forsa, y prome cu bahada di solo exitosamente a landa riba su propio forsa bai afor.

Lesion y cicatriz

Resultado preliminar ta muestra cu algun di e lesion nan fresco riba e tonino su curpa ta probablemente causa pa e proceso di stranding mes, mientras cu algun marca ta parse di a wordo causa pa su mesun especie di tonino mes. E cicatriz biew di varios corta paralel riba su lomba por a wordo causa pa golpi cu

propeller di lancha, enredamento, of djente sea di *Pseudorca* of *Orca*. Pesceo di long line, un practica ilegal na Aruba, tambe ta conoci pa causa varios lesion na tonino.

Notablemente, dos lancha di pisca longline Venezolano a keda intercepta pa Wardacosta di Aruba e dia

prome cu e incidente di varamento aki. E causa inicial pa cu e grupo di tres dolfin aki drenta busca

refugio ta ainda no ta determina. Un evaluacion comprensivo di e diferente lesion nan di e tonino ta den

proceso.

Stenella attenuata (Pantropical spotted dolphin)

E especie aki ta identificabel pa su patron di color bipartito, cu un manta shinishi scur skerpi defini y un

pedunculo dividi den dos color, e parti ariba scur y e parti abao color cla. Un adulto tin averahe di 210 cm di largura y 100 kg di peso. E recien naci tin un averahe 85 cm di largura. Nan ta biba maximalmente 46

aña. E tonino nan aki cu ta relativamente chikito y flaco ta hopi acrobatico, entre otro cu salto vertical y ta

wordo mira ta "bowride". Nan ta biba den grupo grandi di centenar pa miles, y ta asocia regularmente cu

otro especie di tonino. Nan alimentacion ta consisti di pisca chikito epipelagico, calamar, y crustaceo.

Pisca bulado ta un di nan cuminda preferencial.

Proteccion di tonino

Mammal marino tin cu subi na superficie pa respira aire cu nan pulmon y tradicionalmente tonino ta busca refugio den laman no profundo y trankil di e banda sotavento di Aruba, ora nan ta debilita y

vulnerabel, manera durante lesion, cansancio of parto. E tonino mester di espacio amplio cu condicion

sin disturbio pa por reposa y recupera.



cupera. AMMF ta urgi Aruba su publico pa no causa molester na tonino,

por ehempel door di purba acerca of persigui nan, y pa respeta nan necesidad di espacio. E accion nan di

navegante y landado ta impacta directamente e bienestar di mammal marino.

Na Aruba, bao e Decreto Nacional pa Proteccion di Flora y Fauna Endemico (AB 2017.48) y e

Ordenansa di Naturalesa (AB 1995.2) tur especie di tonino y bayena ta clasifica como fauna amenaza y

proteha, prohibiendo pa intencionalmente mata, captura, causa nan daño of estorbo. No ta permiti pa

causa molester y pone nan bienestar bao amenaza. Tur tonino y bayena tambe ta proteha pa e protocolo di

SPAW, un acuerdo regional pa proteccion y uzo sostenibel di biodiversidad costera y marino den e region di Caribe.

Prioridad di AMMF ta e bienestar di mammal marino, incluyendo e tonino den refugio y den caso di varamento, pa medio di educacion

na usuario di laman pa aumenta comprendimento pa e importancia di e

codico di conducta di seguridad ora di tin un encuentro cu mammal marino. Un programa di educacion a

wordo desaroya y lo wordo ofreci den futuro cercano.

Con pa yuda den caso di varamento di tonino

Kico no pa hasi: Si bo encontra un tonino pega riba beach, nunca lastrele of rankele na su rabo of pectoral

fin nan, pasobra e por causa lesion severo. No purba di rescatele riba bo mes y transportele bek lew den laman profundo. Accion nan aki, cu ta wordo haci sin evaluacion y experiencia adecua, por tin

consecuencia grave pa e bienestar di e tonino. Ora di ta debilita, e por

hoga. Obligando e tonino debilita

pa keda forsa su mes pa yega na su refugio por causa malestar adicional y impedi su recuperacion.

Kico si pa hasi: Rapidamente yama ASN pa ayudo na 5924333 (AMMF) of 100 (polis). Relata den bo

yamada: e localidad usando un punto de referencia (manda un location-pin via whatsapp, si ta posibel);

fecha y ora di bo observacion; si ta morto of bibo; e tamaño y cantidad di mammal marino envolvi; si e ta den awa of riba beach; si tin multitud di hende of otro molester; bo

number y informacion di contacto; si bo ta disponibel pa yuda.

Bo por yuda e tonino mientras bo ta warda riba yegada di ASN responders

Sea cauteloso pa proteha bo mes: Mantene bo cara lew di e blowhole di e tonino pa evita expone bo mes na posibel bacteria dañino. Sea alerta pa movimiento repentino di su rabo y boca. No mishi cu ningun herida y lesion. Despues di tawata

den contacto cu e tonino semper desinfecta man cu alcohol di 70%. E prome ayudo basico: Puntra espectador nan presente pa yudabo.

Mantene multitud y mascota presente

riba un distancia di seguridad y un ambiente trankilo y keto. Proteha e tonino di solo, cu serbette of paña muha riba su curpa (no tapa su blowhole, fin nan y wowo), cu un tent of parasol, of cu un barrera di solo

di curpa di hende.

Si e tonino ta riba beach: Dos persona, cauteloso y keto drei poco poco pa posiciona e tonino riba su barica cu su blowhole pa ariba. Usa serbette lora poni cada banda pa

mantenele den e posicion aki. Traha un buraco bao cada pectoral fin y yenele cu awa di laman (no ranca na su pectoral fin). Cautelosamente basha awa di laman riba su cuero (of serbette poni riba dje), protehan-

di e tonino. Ora di ta debilita, e por hoga. Obligando e tonino debilita

Continua Pag 11

VARAMENTO DI TONINO NA EAGLE BEACH - Con pa yuda

Continuacion Pag 10

do e blowhole cu bo otro man lora rond di dje, pa awa no dreña. No basha awa ora e blowhole ta habri. Si e tonino ta den ola riba beach: Cuater persona, dos cada banda, cu man nan posiciona bao barrica di e tonino, charge y hibe poco poco pa e zona di laman mas calmo net pa-tras di e olanan riba beach, keda den profundidad cu no ta surpasa altura di bo heup. Sigui charge asina den awa pa yudele drief, manteniendo su blowhole arriba y semper pafo di awa, cu su cara dirigi pa laman grandi cu un caminda liber di obstruccion.

Ora e ASN responder nan yega: Nan lo colecta informacion, assessora e situacion, determina e accion appropia pa procede cune, y tuma over e cuidu di e tonino.

Causa di varamento

E *Stenella attenuata* ta e di dos especie mas comun di tonino conoci pa busca refugio na Aruba, ora nan ta

vulnerabel y debilita, manera ora

nan ta herida, malo, cansa, of pari-endo. Tin biaha tambe pa scapa di persecucion di apredador, manera tribon, *Pseudorca* y *Orca*. Tipicamente e tonino ta bolbe laman grandi

na bahada di solo. Periodo di recuperacion por dura pa algun ora, algun dia den e mesun area, of algun siman, cu cambio ocasional di lugar. Lamentablemente, algun di nan ta resulta pega riba beach. Na Aruba

tin 21 especie di mammal marino confirma, di cual 15 ta documenta cu un of mas varamento. Varamento

ta sosode vivo of morto. Esun nan vivo por sosode sea accidentalmente of intencionalmente. Mammal

marino den bon salud por pega na beach accidentalmente pa motibo di desorientacion causa pa e topografia di e costa, anormalidad magnetico, ora di persigui prooi of huida di amenaza (manera persecucion di preditador of zonido duro), y cambio den mareo. Nan por

tambe pega riba beach vivo

intencionalmente pa motibo di debilidad causa pa stress medico, por hemipel di ta lesiona, malo, of hopi cansa. Acoso humano, golpi cu lancha y propeller, enredamento den ekipo di pesca, sonido duro bao awa (manera explosivo di ejercicio militar y airgun di seismic surveys), contaminacion, persecucion di apredador, toxina natural (manera Red Tide, *Karena brevis*), y fenomeno meteorologico extremo, por tur contribui na un estado di debilitacion cu por provoca varamento.

Gradicimento

AMMF y ASN ta extende nan gradicimento na tur persona y instancia cu a contribui cu e alerta pa ayudo,

proteccion y rescate di e tonino y informacion y documentacion di e incidente, cu un mencion special na Sietske van der Wal, Dylan Molina, Erik Nijhuis, Nicole Danser, Jana SP, Jerry Jones, Beach Police, y e 4 turistanan cu a habri nan kurason pa yuda.

AMMF y ASN

Aruba Marine Mammal Foundation (AMMF) ta activo como coordinador di varamento di Aruba desde

1998. Banda di voluntario nan di



AMMF, e Aruba Stranding Network (ASN) ta consisti di stakeholder nan gubernamental y di NGO. E objetivo di ASN ta pa duna accion rapido y efectivo pa bienestar di e mammal marino, pa proteha e publico mientras cu ta maneha ayudo na e mammal marino, y pa logra colecta dato científico. ASN tin sosten di experticio di organizacion y red nan regional y internacional, a recibi training di Caribbean Stranding Network y recien di e proyecto SPAW RAC 1 CAMAC 2 cu e Stranding Expert Panel di IWC. 3 Ora di encontra mammal marino den un situacion cu nan tin mester di

ayudo, por favor yama ASN na 5924333 (AMMF) of 100 (polis). Pa mas informacion por tuma contacto na AMMFinfo@gmail.com.

Polis a detene e sospechoso "Koki" kende ta ser busca pa justicia



Diamars anochi despues cu a dreña e ordo di buskeda y detencion di e sospechoso "Koki" relaciona cu algun caso den investigacion, polisnan a bay Sero

Pita unda eynan nan a encontr'ey a detene.

Mesora nan a hib'e warda di polis pa mas investigacion.

Accidente hit & run na crusada Weststraat cu Prof. Lorentzstraat



Diahuebs madruga a dreña informe di un accidente na e crusada Weststraat/Prof. Lorentzstraat, mesora a dirigi un patruya na e sitio. Na yegada di e patruya a bin compromete cu aki ta trata di un accidente hit & run

unda cu e chauffeur di e auto bayendo pabao un auto a bini for di Weststraat sin para pa duna preferencia na e otro auto y a dal den dje. Ora e chauffeur a baha pa bay wak si e pto chauffeur ta herida esun cu no a duna

preferencia a sigi bay yeha na un cas sconde e auto parti pa tras di e cas eybanda. Polis a tuma tur dato y a pasa e accidente aki pa e specialistanan den trafico. Afortunadamente ningun hende a resulta herida.

Master Clifford Rasmijn di Brazil Taekwondo Stichting a entrega fahana e atletanan cu a pasa examen



Diamars anochi Brazil Taekwondo Stichting tabata tin su Cena di Pasco y Clifford Rasmijn tabata tin e programa di e anochi bonhinca den otro. Clifford

Rasmijn a entrega e atletanan cu a haci examen nan faha.

Esaki tabata e ultimo examen pa aña 2023. Gabriella van der Biezen y Aelx-

son Ortiz a pasa pa faha geel.

Xenon Nurse, Lianna Danker, Aidan y Quinten Klaber a pasa pa faha berde, mientras cu Angela Angela a



pasa pa faha cora strepi den 2024. preto.

Clifford Rasmijn ta contento di mira con e atletanan a progresa den 2023 y ta spera hopi mas for di nan

E miembronan di Brazil Taekwondo Stichting y varios empresario a celebra hunto cu e team di e generacion nobo.

Polis a detene chauffeur burachi cu lo a dal auto na Pos Chikito y a sigi core!



Diaranson anochi a drenta informe di cu tin un chauffeur burachi lo ta bay subi un auto na Savaneta, mesora a dirigi patruyanan na e sitio. Na caminda pa e

sitio a drenta otro informe cu e auto a caba di subi caminda y ta bayendo direccion pabao.

Na e rotonde Balashi ela

tuma caminda di Santa Cruz. Polis a logra para e auto na Sabana Grandi ey nan polis a pone supla y a surpasa e limite permiti y a bay over na detene.



	3	8				2	4	
6			9		2			1
		4			8			6
4	7	1	2			3	5	
		5						1
	8	3				6	7	
		6			1	5	2	9
		2						8

Parlamentario Setty Christiaans-Yarzagaray (MEP):

Tin motibonan pa elogia gobierno Presupuesto 2023 ta kibrando diferente record y e proyeccionnan ta den e direccion corecto

ORANJESTAD, Aruba 13 December 2023: Parlamentario Setty Christiaans-Yarzagaray durante tratamento di Presupuesto Supletorio di 2023 hibando su disertacion den e di dos tanda a enfatisa cu esaki ta un presupuesto cu a wordo entrega na tempo. Ta trata di un presupuesto cu despues di 15 aña a wordo entrega na ora, cumpliendo cu e fecha di 1 di september. E presupuesto aki for di 2008 y prome cu esey 2003, a conoce surplus cu ta kibrando diferente record y cu e proyeccionnan ta den e direccion corecto. No solamente a cumpli cu e normanan di 1% di surplus na GDP, pero a bay mas hopi cu esaki a pesar cu e prome a pensa basa riba proyeccionnan, cu esaki ta 1.6%, awor el a bira 1.9%.

“Tur esaki ta resultadonan cu hamas den e periodonan di Gabinete tenan Eman por a wordo registra”, e Parlamentario a enfatisa. El a sigui bisa cu ta un presupuesto cu ta conoce no e Afl. 66 mion di surplus, pero cu a resulta den 58.8 mion florin extra ariba e surplus.” Aunke un Parlamentario ta durf di cuestiona e pa-

labra pluimpje. Ami ta cambi'e. Ami ta yam'e elogio. Elogio no pa un Gabinete so, pero pa tur e profesionalnan cu ta traha duro tambe pa awe tin tur e bon resultadonan esaki. No ta djis pasobra kier elogia gobierno. Ta pasobra tin motibo pa haci esaki”, Christiaans-Yarzagaray a expresa. Loonbelasting ta Afl. 9 mion extra, por ehempel. Cifra di desempleo a baha di 8.8 % pa 4.3 % locual ta nifica cu mas hende a haya empleo cu ta traduci su mes na mas hende ta paga loonbelasting. Pa loke ta BBO tin Afl. 9 mion extra y no ta pasobra e BBO ta na frontera sino ta pasobra economia a crece miho cu a anticipa, di 6.8 % te na 10.1% segun proyeccion di Departamento di Asuntonan Economico. Tur esaki ta proyeccionnan hopi positivo mas cu claro, a remarca.

Por papia di problemanan inflatorio na tur pais y sigur despues di e pandemia y problemanan cu guerra ta trece cu ne manera transporte di producto. Pero segun cifranan di Oficina di Estadistica (CBS), den 24 aña , 5 biaha tabata tin deflacion. Practicamente, casi semper bo tin inflacion y si tin inflacion, automaticamente si bo salario no a wordo ahusta, e ta haci cu bo poder di compra a bay atras, e Parlamentario a agrega. Akinan ta wak argumentonan pa realiza cu e go-

bierno aki ta haciendo un bon trabao. Pero tin esnan cu kier critica pasobra nan no ta mira nada positivo. “E pais aki lo bira mas positivo si nos tin hende cu ta pensa mas positivo. Y e ta conta tambe pa nos como persona”, a bisa. Parlamentario Christiaans-Yarzagaray a dirigi dos pregunta na Minister di Salud, Dangui Oduber mirando cu un mocion a wordo entrega pa un colega relaciona cu e logopedistanan. E kier sa con ta bayendo cu e ehecucion di esaki y con e leu e ta. Tambe a puntra e mandatario si por sondea e necesidad di ergotherapie den e parti di AZV ya cu ta haya e 'feedback' cu

ergotherapie y logopedie hopi biaha ta bay man den man otro, principalmente considerando e 'vergrijzing’ y hendenan cu por ehempel momento ta haya stroke. E Parlamentario a indica cu tin hopi cos pa elogia no solamente den e Presupuesto Supletorio, pero tambe den e presupuesto 2024 cu ta bay wordo trata y un di nan ta e aspecto di gastonan di personal. El a menciona por ehempel 'overtolligheidspoel'. Den 2017, a laga ainda 93 hende den 'overtolligheidspoel' y na 2023 esaki ta na 14 persona so. Esaki ta indica entre otro e esfuerso pa reduci gastonan di personal, a remarca. Aruba no a conoce un surplus sigur durante e peri-



odonan di e gabinetenan berde. Pues mas ainda ta confirma e seriedad di Gabinete Wever-Croes y e compromiso pa cumpli cu un

maneho di finansas duradero, pero tambe solido. “Awe bo por wak e resultado aki”, Setty Christiaans-Yarzagaray a finalisa bisando.

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: ‘Señor a cumpli cu bo ordo, ma toch a sobra luga!’ (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta supera e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).
Oracion: Señor regala nos gracia pa nos compartidonnan conforme Bo boluntad y biba den harmonia cu otro.
Amen.

Clasificados

 SOLODIPUEBLO@GMAIL.COM
 CEL. 585 9500 

Accidente pa falta di preferencia a laga un hende levemente herida

Diahuebs atardi a drenta informe di un accidente cu hende herida na e cruzada Hendrikstraat cu J.G. Emanstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente pa falta di preferencia unda un dama di edad a resulta herida.

Na yegada di e ambulans nan a atende e victima levemente herida na e sitio mes.



Auto a lora na man robes net ora brommer ta bay pase, motociclista a bay halto cay riba e hood y windshield di e auto

Diahuebs atardi a drenta informe di un accidente pariba di Savaneta Kamp, mesora a dirigi un patruya na e sitio. Na yegada di e patruya a bin compronde cu e motociclista a bin purba intimidar e chauffeur pero ora ela mira e grandura y esaki a push'e ela subi su brommer y a trot bay direccion pariba. Polis a keda di busca grabacion di e camaranan den e area.



Polis a detene chauffeur burachi coriendo auto irresponsabel

Diahuebs atardi a drenta informe di cu tin un auto coriendo den forma irresponsabel di rotonde Ponton bayendo pariba riba E.J."Watty" Vos blvd., mesora a dirigi un patruya na e area. Un patruya atento a logra para e chauffeur na Morgenster. Ora a bay test e chauffeur ela sur-



pasa e limite. Eynan mes a detene y a

hib'e warda di polis.

Gradicimento y invitacion

Famia Kelly-Geerman kier a gradici tur esun nan cu na un of otro manera a duna nos sosten,

consuelo y forsa durante e momento nan dificil cu fayecimento y entierro di nos ser stima:

Reginita "Nene" Kelly- Geerman
Un danki special ta bay na:

Su subrina Omiria Lo-Asioe pa e atencion y ayudo brinda na nos defunto stima.

Dr. Vink y Dr. Mungra pa nan atencion brinda.

Francis Jacobs pa su bunita cancion nan canta den misa.

Alabes nos kier a invita pa 3 Santo Sacrificio di misa cual lo tuma lugar na misa Inmaculada Concepcion na Santa Cruz; diahuebs 14 di december 2023 pa 7or di anochi, diabierna 15 di december 2023 pa 7or di anochi y diasabra 16 di december 2023 pa 7or di anochi.

Despues di e ultimo misa lo tin un rosario na cas. Boso presencia lo ta altamente aprecia



PRONOSTICO DI TEMPO

VALIDO TE DIASABRA 16 DI DECEMBER 2023, 18:00 ORA
TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO BREVE
AVISO/ ALERTA:

NA OCUPANTENAN DI BOTO CHIKITO TA WORDU PIDI PA BAI

CU CAUTELA NA PARTINAN OOST TE NOORDWEST DI COSTA
FENOMENONAN SPECIAL:
NINGUN

POTENCIAL DI AWACERO PA PROXIMO 24 ORA:

1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA;

BASTA FUERTE TE FUERTE, POSIBLEMENTE DURO DEN RAFAGA

Ladronicia di auton ta sigi a bolbe haya un auto horta den Bushiri Residences



Diahuebs mainta durante un patruya den Bushiri Residences a bin haya un Suzuki Ignis hinc den e mondi pariba dibe veld di bala.

Mesora polis a nota cu e porta ta forsa y como e ta

hinc den mondi ta duna indicacion cu e lo ta procedente di ladronicia. Mesora polis a confisca e vehiculo pa mas investigacion a pidi pa un takelwagen pa hiba esaki warda di Santa Cruz.

Polis a bay Sero Biento pa busca un homber cobarde cu a maltrata su ex

Diaranson anochi a drenta informe cu un homber ta maltratando su ex na Sero Biento, mesora a dirigi un patruya na e sitio. Na yegada di e patruya

a bin compronde cu e homber a bin eyan y a agredi su ex y ora ela tende cu polis ta bin ela core subi su auto y a bay for di e sitio.

E homber no kier compronde cu su ex no kier tin nada mas cun'e. Polis a bisa e dama cu e por pasa den oranan di dia entrega keho na recherche.



Ladronicia di un brommer Yamaha preto MFA318



Diahuebs mainta a drenta informe di un caso di ladronicia na Ponton, mesora a dirigi un patruya na e sitio.

Na yegada di e patruya a bin compronde cu descon-

ocidonan a bay cu un brommer Yamaha BWS preto MFA 318. Polis a tuma e datos y a pasa esaki pa e team di auto diefstallen di polis pa sigi cu e investigacion.

Addonsito a presenta concierto "Nos Deseo"



Den Cas di Cultura completo bendi a tuma lugar



e concierto di Pasco di e alumno- y maestronan di "Scol di Musica Rufo Weaver" (SDMRW) pa 2023. Un orguyo grandi e tawata pa mi ta parti di e concierto unico y di nivel haltu aki. E aña aki e scol di talento musical aki a cumpli 70 aña di existencia y un biaha mas e alumnonan a sa di brinda nan publico un concierto tremendo. Maestronan Hester Mathijssen, Derrick Lopez, Daniel Werleman, Rob Rijnbout, Franklin Granadillo, Jaderick Croes, Carlos Bisslip, Richard Holmond, Kyle Winklaar, Catherine Provence, Gina Werleman por ta orguyoso di loke nan alumnonan a brinda e publico. Cancionnan manera Jingle Bells, All I want for Christmas is you y Paranda Arubiano tawata algun cantica presenta. Tawata un placer y honor pa mira y scucha e coro na final consistiendo di Lila Richardson, Xiomara Jacobs y Gina Werleman compañando e cantante Andy Farro den e cancion Paranda Arubiano. Danki y un biaha mas pabien cada maestro y alumno di SDMRW y hopi exito den 2024!

